

20.413

R. 20.413  
M.E.C.D. 2016



Foll. 20.413

PROPOSITIONES  
EX UNIVERSA PHILOSOPHIA  
QUAS  
PUBLICO CERTAMINI  
OFFERT VINDICANDAS

D. JOANNES BROTONS , ET RUIZ

In Collegio-Seminarioque Academiae Orcelensis  
Togatus Philosophiae Auditor

PRAESENTE

*D. MARIANO MARTINEZ*

SAC. THEOL. DRE. ET IN  
EODEM COLL. SEM. PHILOS. OLIM , NUNC  
SAC. THEOL. PROFESSORE.

IN TEMPLO SS. VV. JUSTAE , ET RUFINAE  
DIE 26 MENSIS JUNII ANNI M.DCC.LXXXI.

---

Oriolae : Ex Praelo Josephi Vincentii Alagarda , et  
Petri Ximenez , et Lopez.



ЗАПИСЬ ОБРАЩЕНИЯ

ДИПЛОМАТИЧЕСКАЙ КОМПАНИИ

ГАУР

ИМПАТЕРСКОЙ

ЗАПРОДУКЦИИ

БЫЛ ТАКИЙ АВТОРЪ ЗВИНАСОВЪ

СТАВРОПОЛЬСКІЙ ОБЛАСТИ СОСТАВЛЕНІ ВЪ  
ЗОДѢНІЯ СІДРОВІ СІДРОВІ

ЗОДѢНІЯ

ЗЕШІТЫМ ОБРАЩЕНИЯ

И ТЕ ДАС ЛЮБИТЪ СВОИ

СНЫ, МНОГО ЛІЧИТЬ СІДРОВІ СІДРОВІ

ВАДІВІОРІ СІДРОВІ СІДРОВІ

ЗВІДСЯ ТАКІЕ, БАТАЧУ МУ ДІ СІДРОВІ

ІХХІСІМ ІХІА ПІЧІ ГІЧІМ СІДРОВІ

СІДРОВІ СІДРОВІ СІДРОВІ СІДРОВІ

СІДРОВІ СІДРОВІ СІДРОВІ СІДРОВІ

**C**LARISSIMO,

EXCELLENTISSIMOQUE

*D. D. AVGUSTINO*

*DE SILBA, ET PALAFOX,*

COMITI DUCI DE ALIAGA, ET

*CASTELLOT &c. &c. &c.*

*EXCELLENTISSIMORUM DUCUM*

D. PETRI DE ALCANTARA, FRADRIQUE,  
Fernandez de Hijar, et D. Raphaelae Palafox,  
et Croy, Ducum de Hijar, Marchionum de  
Orani &c. &c. &c. Filio Primogenito

*JOANNES BROTONS*  
*FELICITATEM.*

**S**I QUISQUAM, EXCELLENTISSIME DOMI-  
ne, curiosius, quam par est, rationem, quae,  
ut

ut haec tibi dicarem folia , me adduxit , quin potius  
impulit , velit scrutari ; nihil aliud profecto res-  
pondendum videtur , quam abstrusissimo naturae  
ductu me ita rapi , ut non modo aliud agere , sed  
nec cogitare quidem valeam . Sed nullum fore pu-  
to , qui me et hominum stolidissimum , et barba-  
rorum albo accensendum non esse arbitretur , si  
atentem dixerim causam , quam apertam , pers-  
picuam , Sole clariorem testantur omnes . ? Cuius  
enim oculos non percavit egregia à natura com-  
parata indoles , quae nihil non magnum , nihil non  
ratione perfectum , nihil non ad unguem absolutum  
meditatur , debitumque ad finem perducit ? ? Cui  
tam rudi cognitum , perspectumque non est , splen-  
didissimum hoc Hispaniae nostrae lumen ita cele-  
riter radios suae diffundere Maiestatis , ut Nos-  
trates , exteris , omnes non solum illuminet , sed  
etiam fulgentissimo obruat splendore ? Ecquis fes-  
tivo ore non miretur foecunda sapientiae , et vir-  
tutum semina , sollerterem , ac poené divinam indu-  
striam , nobilem , officiosamque curam , quibus ani-  
mum ita excoluisti , ut saluberrima optimae , sa-  
pidaeque frugis copia nasceretur , et ab ipso exor-  
dio maturesceret ? Avitâ Parentum gloriâ , cuius  
es ex asse baeres , erga Maiores tuos pietate , et  
obser-

*observantia , erga subditos gratitudine , erga probos amore , erga omnes humanissima comitate supersedeo , ne eis enarrandis aliqua assentationis suspicio inesse videatur inquis. Ad excelsum Dignitatis tuae apicem accedere dum vereor , celsissime Princeps , gestire omnia membra visa sunt. Quid? memet commoverunt , ac veluti traxerunt ; ( sed quem non traherent ? ) ut nulla alterius rei remaneret facultas. Id ergo unum superest , Excellen- tissime Dux , ut theses has benigno favore prosequaris , dum tibi à Deo immortali incolumitatem precor. Vale Hispaniae decus , atque ornamentum.*

*E Collegio-Seminarioque Oriolensi XVI Kal. Jun.*


*Ann. M. DCC. LXXXI.*





# LOGICAE NATVRA, AFFECTIONES , ET MATERIA.

P. P.



NSTITUTI , ET OPERIS  
nostri consilium postulat,  
ut Logicae historiam , ve- *Histor.*  
lut in nucleo exhibeamus. *Philos.*  
Iccirco illius originem , et  
vicissitudines non conten-  
tiosa , sed placida , brevi-  
que oratione persequemur.

I. Logica perficiendae Rationi instituta est , eam- *logicae*  
que in inquirendae veritatis studio ita dirigit, *scopus.*  
ut sine praeclaro ejusmodi facultatis lumine ve-  
ritas

A

ritas ipsa gravissimis circumfusa tenebris videatur.

II. Verum docet à falso discernere, sciendique instrumenta praebet; quare eam Julius merito dixit *Artem veri, et falsi disceptatricem, et judicem.*

III. Multifariam partiri solet; in Naturalem, nempe, et Adquisitam, Topicam, Analyticam, Sophisticam, Docentem, et Utentem, quarum vocum dabimus notiones.

IV. Si scientiam, mentisque virtutem dixeris Logicam, nobiscum senties.

V. Eadem Theoretica, sive speculatrix est, practicis artibus quadantenus similis.

VI. Primariam Logicae materiam, quam Schola obiectum nominat, dividitque in *materiale, formale &c.* res censemus esse quaslibet cognitas, quae excipere natae sint formam artis.

VII. Hanc vero quamnam adpellabimus? paucis in certamine dicemus, quid Maioribus nostris circa ingeniosam illam fictionem enticuli rationis arriserit.

### MENTIS OPERATI<sup>E</sup>NES.

#### APPREHENSIO.

**C**UM Logicae cura sit, mentem dirigere in cog-

3

cognitionem veritatis, ad singulas mentis actiones illustrandas accedamus.

I. Omnis humana cognitio tribus mentis operationibus omnino continetur, *Apprehensione, Judgmento, et Discursu.*

II. Apprehensio, ab aliis perceptio dicta, simplex est mentis contemplatio, nihil aiens, nihilque negans.

III. Vera igitur, aut falsa proprie dici non potest.

IV. Ideae, et perceptiones non videntur esse *Ideae* posse una, eademque res: adversus hanc opinionem, quam pro aris, et focus propugnavit Malebranchius, nihil faciunt Arnaldi argumenta.

V. Est ergo idea obiecti cuiusvis imago, species, simulacrum; seu id, quod menti inest, dum percipit, aut cogitat, quodque semper rei a mente distinctae, et quidem aut existentis, aut possibilis imago quaedam est.

VI. Ideas ratione originis dividimus in adventitias, et factitias. Adventitias ideas vocamus, *origo*, quae sensuum ope acquiruntur. Factitias, quas ex adventitiis componendo, aut separando nos ipsi efficimus.

VII. Quare duplex cognitionum fons, *sensus, et meditatio.*

4

VIII. Hinc somniasse nobis videtur Plato, qui cum animos humanos per sidera sparsos esse putasset, adseruit, rerum omnium ideas singulis mentibus à Deo impressas fuisse, ac propterea aeternas esse, et innatas.

IX. Explosas etiam intellige innatas Cartesianorum ideas, quas persuasum habemus in intermundiis tantum extare Platonis, longèque à clarissima S. Augustini mente abesse.

X. Claras illas, distinctasque ideas Dei, veritatis, Angelorum, animae, cogitationis, sapientiae, pulchritudinis, numeri, rei, substantiae, temporis, negationis, &c. quas passim effutiunt plerique Recentiorum, nugas credimus, ac mera somnia. Nostrum erit exponere, quoniam pacto eorum ideas adquiramus.

XI. Minimè ferendum est Malebranchii sistema, quo ideas mentis nostrae nihil aliud esse putat praeter Divinam Essentiam, quae mentibus intimè affulgens, in se ipsa, uti in speculo obiecta quaeque exhibeat, ac repraesentet.

XII. Illas tandem corporum exuvias ridemus, quae Democrito *idola*, atque Epicuro *simulacra* erant *incurrentia*.

XIII. Idea, suarum affectionum, obiectique ha- *Ideae di-*  
bita

bita ratione , multiplex esse potest , quarum no- *visiones*.  
tiones trademus , quantum possimus accuratius.

XIV. Ventum ad ideas universales , quas qui  
non nisi flatum vocis , arbitrantur esse , *Dialecticae baereticos* vocat S. Anselmus : sunt igitur *salia*.  
praeter voces , mentisque conceptus naturae uni-  
versales eisdem correspondentes.

XV. ; An in rebus ipsis ? Minime vero gen-  
tium , sed in mente solum.

XVI. ; Quid vero dicendum de universalibus il-  
lis Platonis , ut dicitur , substantiis , intelligen-  
tibus , à Deo emanantibus , ab eo distinctis , à  
singularibus diversis , aeternis , rerum sensibilium  
exemplaribus , quarum participatione res sensibi-  
les existerent ? Eas cum Aristotele nugas cano-  
ras appellamus.

XVII. Huc etiam revocamus praedicabilia , quae  
Porphyrius eorum quidem in gratiam Chrysoa- *Praedi-  
bili invento*, in quinque species divisit , *Genus*, *cabilia*.  
*Speciem* , *Differentiam* , *Proprium* , et *Accidens*.

XVIII. Genus , notio sanè maximè communis,  
dicitur à Porphyrio : notio universalis , *quae de  
pluribus praedicatur specie differentibus id quid  
incompletè*.

XIX. Differentia ea est universalis notio , *quae  
de*

*de pluribus dicitur numero differentibus in quale quid:*

XX. *Triplex esse potest, suprema, infima, et media, seu subalterna. Idem esto de Genere, et Specie.*

XXI. *Universalis notionem non meretur Differentia, nisi dum respicit individua speciei.*

XXII. *Genere, et Differentia species concluduntur, estque universalis natura, quae de numero differentibus in quid completem affirmatur.*

XXIII. *Individuum, ut ex ipso nomine patet, illud profecto est, quod ita unum est, ut multiplicitatis sit expers: unde definitur, quod de uno tantum praedicatur.*

XXIV. *Proprium quatuor dicitur modis; quanto modo acceptum est quod quartum constituit universale.*

XXV. *Accidens est notio illa, quae pluribus adesse potest incolumi eorum natura.*

XXVI. *Praedicamenta, quibus nihil notius in Praedicatione Scholis, dispertiit Aristoteles in classes decem; camēta. Plagii heic accusant Aristotelem Philosophi recentissimi, et quod praedicamentorum numerum sine causa auxerit. Jure ne, an iniuria? unusquisque in suo sensu abundet, dum singulas eorum ideas pergimus explanare.*

Prī-

XXVII. Primam inter illa , ac nobiliorem sedem sibi iure suo vindicat Substantia , cuius idea Subs- adeo implexa est , atque obscura , ut vel inter tantia . ipsos Scholasticos anxiè eius controvertatur es- sentia , quorum alii eam dicunt , ens negans exis- tentiam in alio ; alii vero , fulcrum , ac basim accidentium. Utrumque parum aptè.

XXVIII. Rectius ergo , quoad licet , eam di- cimus ens , quod in rerum natura per se cons- tat ; vel apertius : *Ens cui debetur esse per se.*

XXIX. Proximum est , ut de ideis adiunctorum agamus , quae substantiam ornant. Eorum prin- ceps Quantitas est , quae secum adfert extensio- Quan- nem substantiae , expansionem in locum , immu- titas. nitatem à penetratione , demum mensurabilitatem.

XXX. Ex his effectibus sola partium extensio, quam dicunt *in ordine ad se* veram nobis exhi- bet quantitatis ideam.

XXXI. Relatio in universū respectus est , seu *Relatio-* ordo unius ad aliud : praedicamentalis vero est accidens reale , cuius totum esse in puro sistit respectu.

XXXII. Inter omnes facile constat , relationēm subiectum , cui innititur , habere , terminum ad quem fertur , et quo erigitur fundamentum. Quid autem

autem horum unumquodque sit, interrogati apere-  
riemus.

XXXIII. Qualitas *forma*, ait Aristoteles, *qua-  
quales esse dicimus*. Clariorem aliam qualitatis *Quali-  
tatem* notionem dabimus ex Schola, quam suppedita-  
vit Ang. Doctor.

XXXIV. Quatuor numerantur qualitatis species,  
habitus perfectus, et imperfectus; naturalis vis,  
et imbecillitas; affectio brevis, et diurna;  
forma, et figura; harum notiones, ac vulgaria,  
quibus apud nostros audiunt, nomina prodemus.

XXXV. Reliqua praedicamenta sigillatim hic *Rcliqua  
explicare*, res mihi videtur lectori oppidò mo-  
esta, atque iniucunda. Unde quid actio sit,  
passio, ubi, situs, quando, et habitus rogan-  
ti exhibebimus.

XXXVI. Quodlibet praedicamentum variè par-  
titur, species habet nonnullas, quasdam foveat  
proprietates; de quibus quantum res, et tempus  
exigunt, in palaestra dicemus.

XXXVII. Ab ideis ad earum signa, seu voces *Signa  
devenimus*, quae vel arctissimum sunt societatis *idearum  
humanae vinculum*: etenim eis animi nostri co-  
voces. cogitationes, ac sensus exprimimus, aliisque com-  
municamus.

Cir-

9

XXXVIII. Circa illarum originem nobis non placet Stoicorum, aliorumque veterum Philosophorum sententia, quam velut in nucleo refeximus, et floccifaciemus.

XXXIX. Nobis siquidem persuasum est, voce esse signa arbitraria, et rerum, ad quas significandas institutae sunt, et conceptionum, quae rebus ipsis respondent.

XL. Idem esto iudicium de scriptura, quae homini ad societatem nato, et cognitione intellectiva pollenti, maximè quoque necessaria est.

XLI. Igitur de varia apud gentes scribendi ratione, de multiplici etiam pronuntiandi forma dabimus plura perquam iucunda.

XLII. Vocabulorum, seu terminorum proprietates quinque assignantur, videlicet, Suppositio, Ampliatio, Restrictio, Alienatio, et Appellatio. De his, ac earum commodo, deque regulis suppositionis, et appellationis, pauca quaedam, utilia tamen, dicere enitemur in certamine.

XLIII. Ad rectam instituendam cogitationem *Recta* haud parum confert perceptio terminorum, quae *perceptio* ut perfecta sit, tres dotes habeat, necesse est; *vocabulum*, ut sit *integra*, ut sit *clara*, ut sit *distincta*: hinc tres eius defectus; *Diminutio*, *Obscuritas*, *Confusio*.

B

De-

**XLIV.** Defectui diminutae perceptionis medetur *attentio*, cuius defectu maximi quique erores vulgo contingunt.

**XLV.** Haec ut foveri possit, leges aliquas, atque regulas, occasione data praescribemus.

**XLVI.** Obscuritati perceptionis consulit *Definatio*, quae illius de quo agitur, ostendit naturam.

**XLVII.** Alia nominis, alia rei dicitur: haec alia rursus habet membra, et suis circumscribitur legibus, quas in concione, si placet, audies.

**XLVIII.** Perceptionis demum confusione operam fert divisio, claritatis parens, memoriae dux, scientiarum oeconomia, que rem in partes distribuit suas.

**XLIX.** Abstractio, quae divisionis est quaedam species, et imbecillitatis humanae mentis index, actus est, quo vel rem in partes, si quas habeat, dividit, vel etiam saepe unam rei partem in varios conceptus distinguit. Alias divisionis species, et leges audies in lucta. Sed de prima mentis operatione hactenus.

## JUDICIUM.

**I.** **J**udicium secunda mentis humanae operatio *Judicibus*

binas ideas accurate perceptas inter se compa- *natura.*  
rat, easque vel componit, vel divellit.

II. Nascitur inde propositio, que est *oratio enuntiativa unius de alio; vel oratio significans verum, aut falsum.*

III. Eadem ratione materiae, quantitatis, qualitatis, et formae multiplex esse potest.

IV. Praetereunda non est oppositio praecipua quidem inter propositionis proprietates, ceterisque utilitate praestans. Est autem illa, pugna duarum enuntiationum, quarum aiens una, altera negans est, et quae eodem omnino subiecto, eodemque praedicato constant.

V. Triplex distingui solet enuntiationis oppositio, *contradicторia, contraria, et subcontraria.*

VI. De contradictoriis tenenda regula: *contradicторiarum propositionum altera semper vera, altera falsa est.*

VII. De contrariis: *contrariarum utraque falsa esse potest, at numquam utraque vera.*

VIII. De subcontrariis denique haec soler afferri: *Subcontrariae propositiones ambae verae, at non ambae falsae esse possunt; quamquam ut ingenuè loquamur, nobis non probatur; vel dicemus, subcontrarias inter sese oppositas non esse.*

IX. In recto propositionum iudicio , quò tota criticæ ars collimat , præcipua mentis perfectio , atque omnis sapientiae summa consistit . Judicium *Rectitudinæ* hominum rectum ut sit , conforme esse *de iudicio* convenit suae regulæ , quæ est rei iudicandæ <sup>cii.</sup> cognitio .

X. Praeire oportet rectitudini iudicii sufficiens examen rei , quæ iudicanda est .

XI. Praemissæ examine ferendum est iudicium ad cognitionis mensuram : horum quodvis desit , rectitudo iudicii corruat necesse est .

XII. Hinc , quatuor numerantur uberrimi fontes , è quibus miserandi defectus in iudicia nostra profluunt : *vitiosa terminorum perceptio* , de qua supra : *præcipitatio iudicii* ; *præoccupatio* : *imaginatio* demum , et *sensus* varie iudiciis nostris illudentes .

XIII. Præcipitatio iudicii ex duabus causis ferè oppositis oriri solet : aliquando ex levitate ingenii ; interdum ex nimio eius impetu .

XIV. Præoccupatio alia est intellectus , voluntatis alia . Veniamus nunc ad remedia , quibus defectibus his occursum ire possimus . Id ut fiat , sequentes docebunt canones .

XV. I. Cùm de propositione iudicandum est , ante omnia termini , quibus constat , attentè consideran-

derandi sunt ; si obscuri , et ambigu , difiniendi ;  
si confusi , ac variis partibus compositi , dis-  
tinguendi.

XVI. II. *Perceptis terminis , si in idea subiec-  
ti praedicatum evidenter continetur , de illo cons-  
tanter affirmandum est ; si vero ei manifestè re-  
pugnet , constanter negandum.*

XVII. III. *Si perceptis terminis , inter eos ne-  
xus , aut pugna evidenter non percipitur , cohi-  
bendus est assensus , donec ea connexio , aut re-  
pugnantia nobis aliunde innotescat.*

XVIII. Connexio haec , seu repugnantia tribus  
modis potest innotescere : *ratione , experientia ,  
et auctoritate ; pro quibus sunt regulae.*

XIX. I. *Omnis propositio ex terminis non evi-  
dens , si sequatur evidenter ex aliis evidenter no-  
tis , et ipsa quoque certa , et evidens iudicanda  
est : At si sequatur solum ex probabilibus , et ip-  
sa solum probabilis censenda est.*

XX. II. *Quae sensibus secundum naturam recte  
dispositis clare , uniformiter , ac distinctè perci-  
piuntur , certa iudicari debent.*

XXI. III. *Quod nobis constat testimonio alicuius ,  
qui nec falli potest , nec fallere , magis certum  
iudicari debet , quam si nobis in se foret evidens ;  
etiam*

etiam si id nos omnino superet, immo iis, quae  
nobis nota sunt, videatur adversari.

XXII. IV. Quod vero constat testimonio eorum,  
qui quidem falli possunt, et fallere, attamen quos  
in eo facto nec falli, nec fallere aliunde certum  
est, id itidem certum iudicari debet; sed iuxta  
mensuram huius prioris certitudinis.

Judicii ex auctoritate humana ducti regu-  
la in factis ita se habet: quomodo autem in  
dogmaticis, en leges.

XXIII. I. Dogma communiter receptum etiam apud  
eruditos, etsi propterea omnino certum statui non  
debeat, non est tamen convellendum, nisi eviden-  
ti ratione refutetur.

XXIV. II. Dogma à peritis in quavis facul-  
tate concorditer receptum, ut certum ab imperitis  
in ea facultate supponi debet. At cum periti dis-  
sentiantur, utrorumque nutat auctoritas, dubium  
que dogma censendum est.

XXV. III. Sapientium primae classis sententiis,  
etiam unius, aut alterius, multum semper est de-  
ferendum, nec facile respuendae sunt, etiamsi à  
nobis non satis capiantur.

XXVI. E re futurum arbitramur eas explanare *Proposi-*  
*censuras*, quibus propositiones affici à criticis *tionum*  
solent

solent, atque notari: dicuntur enim *falsae*, *verae*, *censurae*, *necessario verae*, *evidentes*, *per se notae*, *certae*, *probabiles*, *dubiae*, *temerariae*, *haereticae*, *erroneae*, *haeresi*, et *errori proximae*, *sapientes haeresim*, aut *errorem haeresi*, vel *errori faventes*, *schismaticae*, *iniuriosae*, *scandalosae*, *piarum aurium offensivae*, *simplicium seductivae*, et *captiosae*; quarum notio non una, nullique non necessaria.

XXVII. Cum omnia, quae hucusque diximus, *Criteri* eò tendant, ut veritatem adsequamur, id unum *um veritatis.* superest, ut dicamus, in quo veritatis criterium constitui debeat. Est autem in mente nostra nota, sive character, quo veritas cognosci, vel à falsitate distingui possit.

XXVIII. Hoc ergo criterium non in sensibus, ut Epicurei existimant, constitutum est.

XXIX. Neque ideo sensibus fides funditus detrahenda, nam suapte natura fidi illi sunt *veritatis vades*, rationisque administrī.

XXX. Cartesius duplex criterium adstruit, primum est, *de rebus*, vel *certissimis*, ac *manifestis dubitare*, quae dubitatio lubrica est in errorem via: unde non prodesse, sed obesse plurimum putanda est vestigationi veritatis.

Alte-

XXXI. Alterum est : *Quidquid in idea clara, et distincta rei alicuius comprehenditur, verum est, ac de ea certò valet affirmari.* Non probamus, quod fallax sit , ansamque praebeat acerrimis Religionis hostibus:

XXXII. { Quonam igitur nobis utendum est criterio ? Duplici , altero naturali , evidentia nimirum principiorum , artificioso altero , puta, regulis Logicis.

## RATIOCINATIO.

I. **N**ihil est , quo illustriùs effulgeat divina propemodum mentis humanae vis , quam ubi iudicium aliquod ex alio mente formato deducimus , dicimurque proinde discurrere , vel ratiocinari. Est ergo ratiocinatio , *oratio in qua unum ex alio infertur.*

II. Argumentatio plerumque dicitur , que tribus constat ideis , quas verbis expressas , *terminos* appellamus.

III. Huius tres recensentur species , *exemplum, inductio, syllogismus* , sub quo continentur enthymema , sorites , epicherema , et dilema , de quibus , uno dempto syllogismo , in concione , si res

res tulerit, abunde dicturi.

IV. Syllogismi naturam, divisiones, figuras, et modos paucioribus quoad fieri possit expendemus.

V. Suas quoque regulas habet syllogismus, quarum I. *Medium in aliqua praemissarum debet supponere distributivum.*

VI. II. Nullus terminus in conclusione distributus potest, nisi distributus fuerit in premissis.

VII. III. Ex puris particularibus nihil concludetur; nec ex puris negativis sequitur aliquid.

VIII. IV. Conclusio syllogismi debiliorem sequitur partem.

IX. V. Termini syllogismi eodem sensu sumantur in singulis propositionibus.

X. Demonstratio, quae est syllogismus scientiam generans, ac constans propositionibus necessariis veris, duplex est: demonstratio *quia*, et *propter quid*: rursus *a priori*, et *a posteriori*.

XI. Discrimen, quod est inter hunc, probabilemque syllogismum, audies in palaestra.

XII. Subsidia iam artis syllogisticae commemo- *Loci Topicorum*, quae promptuaria quaedam sunt, sive *pici*. loci, qui Topici dicuntur.

XIII. Hi assignantur, *a causis*, *ab effectibus*, *a subiecto*, *ab adiunctis*, *a contrariis*, *a simili*,

à nomine, à definitione, à divisione, ab auctoritate. Singula expediemus.

XIV. Cum nullo aevo sophistica ingenia desint, Sophis-  
necessarium est, ut et nos de sophismatibus ali-<sup>ma, eius-</sup>  
quid dicamus. Est sophisma, seu paralogismus,<sup>que spe-</sup>  
argumentum apparenter verum, realiter falsum.<sup>cies.</sup>

Unde et fallacia appellari solet.

XV. Latitat fallacia vel in dictione, vel in  
rebus ipsis.

XVI. Quae in dictione, quintuplex est, aequi-  
vocatio, amphibologia, variatio sensus composi-  
ti, aut divisi, accentus, et figura dictionis.

XVII. Septuplex vero, quae in rebus, acciden-  
tis, nimirum, à simpliciter ad secundum quid,  
et è contra, contradictionis, petitio principii, con-  
sequentis, non causae, ut causae, atque inter-  
rogationis. Singula erunt à nobis exponenda. Ad  
utiliora pergamus.

## METHODUS.

I. **M**ethodus, ut vox ipsa exprimit, nihil  
aliud est, quam via brevis, et ordinata ratio  
inveniendi veri, ipsiusque, cum inventum fue-  
rit, exponendi.

II. In cognitione veritatis duplii inceditur via:  
inven-

inventione, et doctrina. Duplex itaque methodus: Analytica, et synthetica.

III. Methodus Analytica est *modus ordinatè procedendi ad inveniendam veritatem*. Synthetica autem, *modus ordinatè procedendi in docenda veritate*.

IV. Ne iusto simus morosiores, nihilque dicendum supersit, quatuor regulas, quibus methodus circumscribitur in genere, praescribemus; leges tres, quibus recta instituatur Analytica, et pro Synthetica quinque adferre non pigebit.

V. Esto methodus sit intellectus operatio, à recensitis tamen distincta non est, sed ad predictas reducitur, nempe ad apprehensionem, et iudicium.

## METAPHYSICA.

I. **M**etaphysica ea est facultas, quae non res corporeas, ac materiales, sicuti physica, sed res à materia secretas, immateriales nempe, ac spirituales sola mentis acie perceptas, considerat.

II. Hinc in duplex membrum dispertitur, Ontologiam scilicet, et Pneumatologiam.

III. Utraque scientia est universalissima, cui ceterae quasi famulantur, suaque principia mutuantur.

## ONTOLOGIA.

I. **O**ntologia, quam plurimi dicunt primam philosophiam, scientia est, quae ens in universum eiusque passiones per mentem abstractas investigat.

II. Duo commendanda sunt foecundissima principia, quibus innititur haec facultas, unum illudque praecipuum, quod contradictionis vocari solet, ea enuntiatione continetur: *Impossibile est ut idem simul sit, et non sit.*

III. Alterum autem quod et pro contingentibus adoptatur, et aeternas Leibnitianos inter et Newtonianos rixas, acresque concertationes creavit, rationis sufficientis vulgo dictum, sic habet: *Nihil est sine ratione sufficienti cur potius sit, quam non sit.*

IV. Res, et ens sunt vocabula, quae apud metaphysicos pro eodem usurpantur: Unde D. Thomas appellat ens, *id cuius actus est esse.*

V. Varia sunt entis genera, aliud enim est reale, aliud rationis, aliud creatum, aliud increatum, aliud contingens, aliud necessarium &c. de quibus multa rogati.

VI. Disputari solent Philosophi, utrum entis nomen sit univocum ad sua inferiora: verum tota

Ontologia,  
eiusque  
princi-  
pia.

Entis  
affectiones.

tota haec quaestio , quam nimis seriò agitant  
aliqui , parum est utilitatis.

VII. Proprietas entis triplex á Philosophis so- *Entis*  
let enumerari , unitas , nempè , veritas , et bonitas . *proprie-*

VIII. Unitas nihil est aliud , quam divisionis *tates.*  
privatio , seu inseparabilitas eorum , per quae  
ens ut tale constituitur.

IX. Unitas , cui opponitur multiplicitas , vide-  
tur esse triplex , scilicet generica , specifica , et  
purè numerica.

X. Huc pertinet distinctio , cuius varia genera  
dabimus ; alia enim est rationis , alia realis , alia  
realis modalis , &c. de quibus roga.

XI. De veritate , et bonitate , iisque oppositis  
falsitate , et malitia , quae sanum , ac tempera-  
tum Metaphysicum decent , delibabimus.

XII. Actus , et potentia duo sunt praecipue,  
quae ens intrinsecus constituunt , de quibus ro-  
gati bene multa.

XIII. Subsistentia , quasi *in se ipsa sistentia* ,  
perfectio quaedam substantiae est , per quam ita  
completur , ut sistat in se ipsa , sitque sui iu-  
ris , et non alterius.

XIV. Per hanc natura ita sustentatur in se ip-  
sa , ut non egeat communicari alteri ad essen-  
dum ,

22  
dum, et operandum.

XV. Si natura subsistens intelligenti<sup>2</sup> facultate polleat, *persona*; sin minus, appellatur *suppositum*.

XVI. Jam ad causas progrediamur, in quarum *Causae cognitione* repositam esse huius vitae felicitatem, ex Hesiodo cecinit Virgilius.

XVII. Causae nomine nihil aliud intelligitur à Philosophis, et vulgo etiam solet, quam ens illud, seu principium, à quo res esse depromit suum.

XVIII. Quatuor causarum genera communiter distinguunt Philosophi, materialem, formalem, efficientem, et finalem.

XIX. Nonnulli cum Platonicis quintum aliud causae genus adiiciunt, quam exemplarem appellant; sed haec ad formalem, et efficientem haud incommodè revocatur.

XX. Quaelibet causa, vel tempore, vel natura effectum praecedit suum, eumque ratione sui muneric antecellit; verùm si causae entitas attendatur, effectus non raro solet esse nobilior. De efficiente en quod statuimus: effectrix causa est vel nobilior effectu, vel saltem aequè nobilis.

XXI. Causam effectricem appositi<sup>2</sup> vocavit *Causa efficiens*. Aristoteles: *principium extrinsecum*, à quo primò pro-

*profuit motus , sive productio rei.* Varias eius species designabimus.

XXII. Heic expugnandi veniunt Cartesius , et Malebranchius , qui efficiendi vim creaturis denegarunt , eas dixerunt solummodo occasionales causas , quatenus Deus earum occasione producit cuncta , quae sua providentia ordinavit.

XXIII. Verum in illos pugnat Ang. Praeceptor , pugnant cordatores Philosophi , pugnant sensus , ipsamet demum natura.

XXIV. Causa agens in virtute alterius instru-  
mental is nuncupatur ; natura sua exigit excipere à causa principi motionem quamdam actuosam , qua huius effectum possit attingere. *Causa instru-*  
*menta-*  
*lis.*

XXV. Nihilominus ratione sui habet ex se aliquam vim activam , qua causae principi cooperetur.

XXVI. Finis causarum nobilissima nobilissimum *Causa* habet operandi modum. Est enim , *res cuius gratia , et amore aliquid fit.* *finalis.*

XXVII. Quoniam varie potest aliquis alterius gratia , et amore operari , causa finalis potest esse multiplex. Quotuplex ? In palaestra.

XXVIII. Sola bonitas , sive vera , sive appa-  
rens constituit finem ; sola quippe illa voluntati  
leno-

<sup>24</sup>  
lenocinatur, ipsamque allicit:

XXIX. Heic iam contra Leucippum, Démocritum, Epicurum, aliosque iniquissimos homines signa movemus, qui ut religionis metum radicitus convellerent, sublata omni providentia, nullum causae propter finem agentis characterem in natura observarunt.

XXX. Horum pestilentissimum errorem iisdem argumentis confutabimus, quibus Sapientissimus Goudinus iam pridem illum oppugnavit, devicit, atque contrivit.

XXXI. Monstra destinationem rerum natura-  
lium in finem haud obscurè demonstrant, tan-  
tum abest, ut providentiae hostibus faveant.

## PNEUMATOLOGIA.

I. **H**AEC substantias spirituales rimatur, intelligentem animam, Angelos, Deum, pulcherrima entia, nobilissimaque, quantum naturae lumine dignosci possunt, diligenter perscrutans.

II. Creatorum spirituum natura, et affectiones prius investigandae sunt, ut exinde ad omnium entium fontem Deum veneraturi potius, quam perscrutaturi accedamus. Humana anima principium *Animae*

pium illud est cuius praesidio homo intelligit, *rationa-*  
et vult. *lis.*

III. Jure igitur Augustinus animam rationalem  
vocat *substantiam rationis participem, ac regendo*  
*corpori accommodatam.*

IV. Est igitur anima nostra natura simplex, in *Animae*  
dividua, incorporea, atque spiritualis: hinc ne- *immate-*  
cessario fluit, delecto corpore, quo non indi- *rialitas,*  
get ad existendum, superstitem manere. *et immor-*  
*talitas.*

V. Ad animarum originem quod attinet, re-  
iectis Stoicorum, aliorumque Philosophorum fa- *Animae*  
bellis, neutiquam ex corporali semine propagari, *origo,*  
sed unicè ex nihilo creari contendimus.

VI. Neque cum Wolfio aliisque opinamur tem-  
pore antea esse creatas, sed ubi primum cor-  
pora sunt disposita ad earum receptionem.

VII. Unitur anima corpori humano veluti pro-  
pria substantialis forma, humanarumque omnium  
actionum activum principium, unde nullae in  
humano corpore fieri possunt motiones adeo ne-  
cessariae, et mechanicae, ut ab animae vi im-  
munes censi debant.

VIII. Abeant ergo Recentiores Philosophi ani- *Animae*  
mae sedem statuentes variis, determinatisque cor- *sedes.*  
poris partibus, capite nempe, cerebello, super-

D

ci-

ciliorum interstitio , glandula pyneali , artificioso  
cordis ventriculo , et sanguinis concretione. Tota  
in toto , ac in singulis corporis partibus inexsistit.

IX. Ad animi cum corpore commercium ex-  
plicandum lepidam hypothesim adinvenit Leib-  
nitius , dictam *harmoniae prestabilitae* , et quam  
secutus est Wolfius ; at haec hypothesis cum li-  
bertati videatur adversa , portentosae potius fa-  
bulae , quam seriae opinionis faciem praesefer-  
re intelligitur.

X. Haud leviori dignum censura putamus sys-  
tema causarum occasionalium , pro quo Carte-  
siani , Malebranchio duce , tamquam pro aris et  
focis decertarunt.

XI. Reliquum est igitur , ut systema influxus  
physici , veluti hypothesis gravioribus fundamen-  
tis innixa atque temperatioribus Philosophis pro-  
bata , à nobis adoptetur , quin opus sit ad il-  
lam propositionem asserendam , ut ponamus vim  
quamdam animae transire in corpus , et in eo  
abire in vim motricem , et vice versa.

XII. Ornatur anima tribus facultatibus , quas *Intellec-*  
*tus.*  
inter principem locum sibi iure suo vindicat intel-  
lectus : nempe potentia , seu vis quae ad ens quod-  
libet cognoscendum extenditur , quamquam na-  
turali

turali vero unicè proportionetur.

XIII. Memoria est ea animae facultas , quae *Memo-*  
cognitarum iam rerum species , seu imagines re- *ria.*  
tinet , quas dum iteratò excitat , novam indu-  
cit earumdem rerum cognitionem , quae dici-  
tur recordatio.

XIV. Ultima facultas animae voluntas est , po- *Volun-*  
tentia nimirum humanis animis à Deo conces- *tas.*  
sa , ut ipsius praesidio bonum amplectantur , et  
malum fugiant , intellectu praferente facem.

XV. Hinc quaestio agitari solet , num intellec-  
tus nobilior potentia sit voluntate. Nobis pla-  
cket sentire cum Divo Thoma , qui illum excel-  
lentiorem hac esse propugnat.

XVI. Angeli substantiae illae sunt , quae cum *Angeli,*  
spirituales , absolutae , et completae sint , nulli  
corporum , ut forma , destinantur.

XVII. Omni prorsus materia divisibili carent,  
incorruptibiles , atque immortales sunt , adeoque  
nec gigni , nec corrumpi illi possunt , sed à so-  
lo Deo ex nihilo creari , vel in nihilum redigi.

XVIII. Angelorum existentiam nedum fides evin-  
cit , verum et naturalis ratio quadantenus suadet ,  
adeo , ut vel Ethanicis ipsis Geniorum nomine  
innotuisse aliqui existinbarint.

XIX. Quamquam Angeli incorporei sint, in corporibus nihilominus ex adensato aere coalitis assumptisque possunt se hominibus conspiciendos praebere.

XX. Sunt qui Virunculos sive Lemures nequam, vel bonis Angelis deberi annumerari arbitrantur: à quo abstinemus modo.

XXI. Atque cum Cl. Feijoo adfirmare audemus, plerosque nempe crepitus, quibus Lemures domos dicuntur infestasse, non otiosorum spirituum ludos fuisse, sed vel hominum ad terrendum excogitatos, vel aestuantis libidinis, avaritiae, aut extremae inopiae stratagemata.

XXII. Jam ad rerum omnium Conditorem De-  
um se nostra convertit disputatio. Existentia Dei *Existen-*  
*tia Su-*  
*premi*  
*Numi-*  
etsi meridiana luce clarior, priscis temporibus  
habuit impugnatores Diagoram Melium, Theo-  
dorum Cyrenaycum, aliosque huius furfuris ho-  
mines, qui eo dementiae, et caecitatis devene-  
re, ut nullum esse Deum arbitrarentur, vel  
corporeum esse ausu temerario cogitarent.

XXIII. Nec desunt saeculo nostro homines sce-  
lestissimi, qui ipsam divinitatis existentiam in  
nihilum redigere insanissima impietate moliun-  
tur. Putidum illorum errorem validissimis argu-  
mentis eliminavit Aquinas. Nobis erit gratissi-  
mum

mum ea referre , alia etiam adducere , quibus sa-  
na mens nullo repugnare modo possit.

XXIV. Est autem Deus spiritus ille purissimus,  
et infinitis constans perfectionibus , aeternus , li-  
ber , et immutabilis , summè bonus , summè ius-  
tus , summè potens , cet. qui non indiguit ali-  
quo extrinsecùs quaesito , ut cuncta è nihilo  
crearet.

XXV. Haec virtus creatrix adeo singulare est  
supremi Numinis ornatum , ut nulli creatu-  
rae tribui quocumque pacto possit.

XXVI. Providet Deus rebus omnibus , quae sunt,  
ac fiunt in universo ; unde ii tantum Divinam  
Providentiam inficiantur , qui ex leges vivere cu-  
piunt.

XXVII. Religio quam Deo debemus , si natu- *Religio*  
ralis sit , sancta quidem est , et opere exequen- *revelata*.  
da ; sed quia ratione caligante , concupiscentia,  
cupiditate , innordinatisque affectibus corrumpen-  
tibus , recta stare diu nequit , revelatio neces-  
saria est.

XXVIII. Imo ipsa Religionis naturalis praecep-  
ta , nisi à Deo revelentur , innumeris erroribus  
non posse non esse obnoxia , optimè probat San-  
ctus Thomas.

Reli-

XXIX. Religio dicitur naturalis , si ex principiis rationis ortum ducat : si autem ex revelationis auctoritate , utpote mysteria continens , quae supra rationem longè eminent , revelata appellatur.

XXX. Jam ergo revelatio tam abest , ut rationi rectae repugnet , quin potius extare illam facili negotio nobis persuademus.

XXXI. Hinc quamplurimi sunt characteres huius revelationis , quos saltem praecipuos , et genuinos , nobis erit exponere , si per vos rogati in palaestra.

## PHYSIOLOGIA.

I. Lustratis primis Philosophiae partibus , iucundiores aggredimur , quae cum in rebus naturalibus , intimisque naturae arcanis investigandis tota occupetur , Physicae nomen obtinuit.

II. Corpora naturalia ex substantiis simplicibus , *Corporis naturalis principiis* coalescere , concors est omnium Philosophorum opinio , *cipia*. ipsaque natura praedicat.

III. Ea prima corporum principia dixit Aristoteles , quae nec ex se invicem , nec ex aliis , sed

31  
sed ex quibus omnia fiunt.

IV. Sedula eorumdem indagatio non modicum omni aevo Philosophorum exercuit ingenia , eosque coegerit in diversas abire sententias. Leucippus , Democritus , Epicurus , Gassendus , et Cartesius ad mechanica principia recurrent , ad corpuscula nempe insensibilia variis figuris praedita , vel vertigine , et in gyrum acta : Empedocles ex sensibilibus elementis , Chymici ex sale , sulphure , et mercurio omnia fieri existimarunt.

V. Nos autem cum Peripateticorum Schola ea statuimus entis naturalis principia , quae nec sensibus , nec imaginatione , sed solo intellectu deprehendi valent.

VI. Unde si fiat ens per strictam , ut aiunt , mutationem , materiam , formam , et privationem , ut principia postulat : si vero genitum iam sit , materia solum , et forma invicem copulatis continetur.

VII. Extat quidem materia prima , quae subs- *Mate-*  
tantia est simplex creationi , et anihilationi unicè *ria.*  
obnoxia , quam proinde aptè definivit Aristoteles : *Quae non est quid , nec quale , nec quantum , nec aliquid eorum , per quae ens determinatur.*

*mi-*

VIII. Quamquam generationi , et corruptioni nequaquam obnoxia sit , nihilominus rerum omnium generationi , et corruptioni deservit.

IX. Formam substantialem , à qua materia primaria auspicatur speciem , substantiam dicimus dimidiatam , reipsa á materia distinctam , praecipuarum corporis perfectionum fontem , et radicem.

X. Variae , mirabilesque operationes , quae in nonnullis entibus observantur , ab una eadem substantiali forma provenire possunt ; ergo omnes aliae velut inutilès , et otiosae reiiciendae.

XI. Formae corporeae continentur potentia in materia , ex qua ab agentibus naturalibus educuntur , dum nova composita naturalia progignunt.

XII. Controversias de pura potentia materiae , rearum actu metaphysico , entitativo quoque , distinctione , appetitu , et alias eiusdem furfuris , quibus Scholastici maxima cum voluptate excruciantur , omnino praetermittimus.

XIII. Natura , in cuius operibus rimandis tota Philosophia versatur , est radix intranea illorum motuum , quos non agentis externi vis extorquet á rebus , sed ipsae sese ultiro effundere videntur.

Huc

XIV. Huc pertinet violentia , quae definiri potest : *cuius principium est extra, passo repugnante.* *Violentia.*

XV. Ars imitatrix naturae merito dici potest: *Ars.*  
in plerisque utramque convenire , in aliis etiam differre indubium est.

XVI. Ab ea artificiale nomen habet hac definitione explicandum , *cuius principium est extra in ratione operantis practica , externam materiam disponente.*

XVII. Ars opera naturae , quam saepe perficit , nativis viribus patrat nunquam : at si agencia naturalia passivis aplicat , plurima , et quidem mira efficit.

XVIII. Perperam hinc colligeretur Chrysopoeiam, *Chrysos* seu artem verum aurum conficiendi existere : nec *poeia*, id , nervos etsi intendant omnes , suadebunt Alchymistae.

XIX. Huc merito revocari potest magia naturalis , quae est ars , vi humana quaedam mira, et insolita efficiens , quorum ratio communem hominum captum superat.

XX. In divinatricem , et effectricem dividitur.  
Ad magiam effectricem pertinent *Cryptographia*, *Pyrotechnica* , et *Mechanica*.

XXI. *Cryptographia* est ars occulte scribendi,

E sive

34

sive per succum loco attramenti adhibitum.

XXIL *Pyrotechnica* in aqua , aere , et terra mirabiles efficit artificiales ignes , pulcherrimum visui spectaculum.

XXIII. *Mechanica* , est ars varias machinas efficiens , quibus gravia facile moveri , et attolini possunt. Haec Europaeos exteris Nationibus mirandos efficit.

XXIV. Ad divinatricem , quae occulta detegit , spectat *Algebra* , *Astrologia* , *Physiognomia*.

XXV. *Algebra* , tam vulgaris , quam speciosa , ex occulta combinatione numerorum , vel litterarum alphabeti eruit solutiones quaestionum ignoratarum.

XXVI. *Astrologia* , ex astrorum , praecipue planetarum , inter se situ , vel etiam cum fixis coniunctione praedicit pluvias , ventos , tempes- tates , cet.

XXVII. *Physiognomia* , ex membrorum humani corporis constitutione hominum passiones , aut temperamentum coniectatur.

XXVIII. Ad *Physiognomiam* revocatur *Chyromantia* quae ex manuum lineis praesentit , non quidem futura contingentia , quae mentiri solent Zingari , sed robustam , aut debilem corporis habi-

habitudinem, vel etiam bonam, aut malam interiorum viscerum constitutionem.

XXIX. Vana Gentilium supersticio, foecunda *Fortuna*, Deorum mater, Fortunam ut Numen coluit, à *casus, et Fatum,* quo res omnes sublunares, praecipue humana negotia versarentur, quodque divitias, egestatem, victorias, coronas indiscriminatim spargeret.

XXX. At Christiana Philosophia huiusmodi deliramenta irridens, Fortunam accipit pro causa efficiente per accidens ex electione in his, quae sunt propter finem, et raro contingunt.

XXXI. In eo à casu differt, quod quemadmodum Fortuna propriè solùm in causis liberis, sic etiam casus solùm in naturalibus propriè locum habet; optimè proinde definiendus: *Causa efficiens per accidens ex naturali inclinatione in his, quae sunt propter finem, et raro contingunt.*

XXXII. Pagani Fatum reponebant in ineluctabili quadam rebus omnibus imposita necessitate, à qua ne Deos ipsos immunes esse putabant: hoc Fatum sacrilegum est, et perniciosum.

XXXIII. Nos Fatum ex Angelico Praeceptore ita finimus; *ordinatio causarum secundarum ad effectus divinitus intentos.*

## DIATHESILOGIA.

**R**erum naturalium constitutis principiis tam primariis, quam secundariis, ad corporis naturalis essentiam investigandam, eiusque affectiones progredimur.

I. Pythagoras, Epicurus, et Stoici, si Laertio fides habenda est, corporis essentiam in triplici dimensione, quae extensio dicitur in longum, latum, et profundum, positam existimarent: quorum sententiam adoptavit, atque defendit Cartesius.

II. Relicta horum sententia, ea potius nobis aridet, quae essentiam corporis constituit in extensione eiusdem in ordine ad se, seu in exigentia extensionis impenetrabilis, vel ocupandi locum impenetrabiliter.

III. Triplex corpus distinguitur: physicum quod forma substantiali constituitur, mathematicum quantitate ipsa, et organicum fluiditate, soliditate, duritie, mollitie, ceterisque affectionibus organicis.

IV. Inter corporeas affectiones primo sese offert motus, quem universaliter non incongrue definiuit Aristoteles: *Actus entis in potentia, prout in potentia.* Hac definitione putat eruditissimus Corsi-

Corsinus haud inveniri posse clariorem.

V. Localis motus , ceteris , et notior , et nobilior , dicitur *translatio mobilis de loco in locum*. Huius existentiam adversus Zenonem satis lepidè demonstravit Diogenes Cynicus.

VI. Multiplex est , naturalis , violentus , rectus , circularis , spiralis , simplex , compositus , cert. quorum assignabo differentias.

VII. Corporum motus fieri nequit absque impetu , cui correspondet motus determinatio , quae non omnis est ad lineam rectam , sed ad circularem quoque aliqua deflectit.

VIII. Corpora gravia deorsum sua sponte tendunt intraneo , et à natura insito Aristotelico- *Motus gravium.*

rum impulsu.

IX. Nam nec magnetismus terrae , nec atomi aduncae è terra erumpentes , nec vorticosis motus liquidæ substantiae per terrae ambitum circumactae , nec columnæ materiae aethereæ haberi queunt ut causa descensus corporum gravium.

X. Corpora gravia in descensu suum accelerant motum.

XI. Corporis motus aequalis est impulsui quo movetur ; hinc corpus grave minori impulsu agitur in principio descensus , quam in progressu.

*Cau-*

XII. Causa productiva impetus continuo illum producit, ni impedimentum adsit.

XIII. Elaterium, vulgo *Resorte*, dicitur corpus, *Motus* quod à suo statu dimotum, in eum se restituit: *Elasti-*  
*cus*, impetus, quo id fit, dicitur *vis elastica*; motus vero ille, *motus elasticus..*

XIV. Id tribus modis maxime contingit: Primo, cum corpus vi compressum, ea vi amota, se extendit. Secundo, cum vi tensum se reducit, Tertio, cum violentè flexum se erigit.

XV. Hic motus, eaque vis in pluribus corporibus conspicua sunt: at unde oriatur, quaestio est solutu non facilis.

XVI. Abeat Cartesius, qui motum elasticum provenire existimat ex materia subtili poros corporum ingrediente, dilatante, et corpora ipsa erigente.

XVII. Nos ergo vim elasticam ipsis corporibus innatam dicimus, tametsi plurimorum corporum elasticitatem ab elasticitate aeris in eorum poris inclusi, aut provenire, aut adiuvari posse non inficiemur.

XVIII. Corpora elastica quasdam proprias leges habent, quae omnes ex duabus his fere pendent: Prima: *Elaterium qua vi pressum fuerit,*  
*pari*

*pari se restituit : Secunda ; vis elastica agit in eam partem , quae ei minus resistit.*

XIX. Corpus cum impetu vibratum , dum alteri duro allidit , resilire docet experientia : qua in resiliione non idem perseverat motus , et impetus , sed novus producitur ab elaterio corporis , aut reflexi , aut reflectentis , aut utriusque.

XX. Motus , et impetus reflexi has novimus leges : Prima : *Corpora elastica aequalis massae , et ponderis , aequali impetu collisa , aequali motu resiliunt.*

XXI. Secunda : *Si corpora sint inaequalis ponderis , aut impetus , ita resiliunt , ut dibilius maiori impetu repellatur.*

XXII. Tertia : *Si corpus elasticum in aliud quietum aequale impingat , illud consistet immobile , istud vero solum movebitur.*

XXIII. Hinc , si corpus motum in duo , aut tria , aut quatuor quiescentia seriatim iuxta se posita , incurrat , solum ultimum movebitur ; at si duo mota in plura quiescentia seriatim contigua incurrant , duo quoque ultima sola movebuntur.

XXIV. Projecta corpora moventur impetu illis *Motus à proiiciente impresso , non ab aere anterius projec-* pulso,

pulso, retroque recurrente.

XXV. In iis autem servantur hae leges I. *Im-*  
*petus ab extrinseco impressus non est stabilis in*  
*mobili, sed destruitur citius, aut tardius iuxta*  
*proportionem eius cum vi contraria, à qua destruitur.*

XXVI. II. *Omnis impetus est sui ipsius pro-*  
*pagatus.*

XXVII. III. *Impetus impressus dum communica-*  
*tur aliis, minuitur in se ipso.*

XXVIII. IV. *Impetus impressi contrarii sese*  
*destruunt.*

XXIX. *Impetus vis ex duobus censenda est,*  
*velocitate, scilicet, et pondere.*

XXX. *Corpus grave, è fune pendulum altius*  
*abductum à perpendiculo obliqua circuitione, de-*  
*orsum praecipitatur; at ubi attingit perpendicu-*  
*lum non quiescit, sed sursum iterum emergit,*  
*idque repetitis vicibus, donec tandem quiescat.*

XXXI Huius duae videntur causae, quarum  
 vel altera, vel ut verisimilius remur, utraque  
 hanc emersionem efficit; nempe impetus in de-  
 scensu acquisitus, atque aer retrò urgens.

XXXII. In arena haec resolvemus: *Cur quo-*  
*pendulum è longiori filo pendet, eò plures edat*  
*vibrationes?*

*Cur*

XXXIII. *Cur in machina pneumatica exhausto aere  
crassiori pendula diutius suas continent vibrationes?*

XXXIV. *Cur eiusdem penduli vibrationes omnes,  
licet aliae aliis maiores aequali fere tempo-  
re fiant? At longioris penduli omnes tardius  
quam brevioris.*

XXXV. *Cur ut pendula, ita et pleraque alia,  
vibrationes illas edant.*

XXXVI. *Inter sensibiles corporum qualitates ca-* Calor, et  
*lorem, et frigus adnumeramus.* frigus,

XXXVII. Recentioribus adhaerere non possu-  
mus calorem in celeri, perturbatoque motu in-  
sensibilium partium reponentibus.

XXXVIII. Sed assentimur Peripateticis, qui ca-  
lorem dicunt qualitatem, vi cuius heteroge-  
neae corporis partes disiunguntur, homogeneae  
vero congregantur.

XXXIX. Persuasum est Philosophis Cartesianis,  
frigus in quiete partium consistere. Sunt etiam,  
qui velint, esse meram privationem caloris, sed  
neutri satis cognitam habent frigoris naturam.

XL. Melius illud appellant Scholastici qualita-  
tem corpora indurantem, illorumque partes ar-  
ctissime devincientem.

XLI. *Caloris, et frigoris phoenomena quam-* Caloris,  
F pluri-

42  
plurima sunt , nōs subiectorum causas asignabimus. et frigo-

XLII. Corpora solidiora , atque duriora vali-  
*ris phæ-*

dius incalescunt , potentius urunt , ac diutiūs ca-

lorem conservant , quam mollia , ceteris paribus.

XLIII. Flamma longius , quam accensus carbo ,  
calorem diffundit.

XLIV. Lebetis fundum , statim ac ab igne  
aqua fervente extrahitur , sentitur tepidum ; aquae  
vero fervore cessante percipitur calidissimum.

XLV. Calor solis oleum , et ceram candida  
reddit , carnem vero nigram efficit.

XLVI. Oris flatus , si compressis labiis in ma-  
num modicè distantem , expellatur , percipitur  
frigidus , si verò aperto ore fiat , experitur calidus.

XLVII. Frigus plurima corpora , emortuam pree-  
cipue carnem à putredine liberat , vivam , tene-  
rasque plantas adurit.

XLVIII. Frigida manus igni admota acutissi-  
mo dolere percellitur.

XLIX. De soliditate , firmitate , fluiditate , hu-  
miditate , et siccitate nonnulla dabimus iucunda.

## COSMOLOGIA.

I. **N**ihil aliud priscis temporibus Mundi no-  
men

men prae setulisse scimus , quam hanc ipsam crea-  
turarum omnium congeriem , seu compagem ,  
quae etiam Universi nomine significatur. Igitur  
Mundum definivit Aristoteles : *Compages ex coe-  
lo , et terra coagmentata , atque ex iis naturis ,  
quae inter ea continentur.*

*Mun-  
dus ,  
eiusque  
dotes.*

II. Quoad Mundi unitatem magna fuit inter Philosophos antiquos dissensio ; nos vero licet alios Mundos possibles existimemus , de facto tamen nihil nos cogit , ut plures agnoscamus.

III. Mundus hic pulcherrimus quidem et perfectissimus est , at non ideo omnipotenti Deo deneganda est vis alios longe isto pulchriores et perfectiores efformandi.

IV. Mundus non ab aeterno ut sensit Aristoteles , nec ex fortuito corpusculorum occursu , prout Epicurus voluit , formatus est ; sed in tempore a Deo e nihilo factus.

V. Qua anni tempestate Mundi natale contigerit , vix definiri potest. Probabilior nobis eorum sententia videtur , qui ineunte AEquinoctio Verano Mundum e manu Conditoris prodisse existimant.

VI. Ea omnia , quae primo Geneseos capite narrat Moyses , non sex naturalium dierum spa-

44

tio , sed unico instanti à Deo fuisse producta,  
putat S. Augustinus. Oppositum tenet Angelicus,  
cui , pace Doctoris Maximi , plenissimis calcu-  
lis subscribimus.

## ASTROLOGIA.

I. Jam ergo corpora coelestia pulcherrima in- *Mundi*  
ter ea , quibus admirabilis Universi machina con- *Syste-*  
flatur , perlustrare iuvat. Sed prius operae pree- *ma.*  
tium duximus de Mundi Systemate fari : est igitur  
Mundi Systema : *Debita magnarum Mundi*  
*partium Coelorum scilicet , Planetarum , et Ele-*  
*mentorum secundum locum dispositio.*

II. Varia Systemata ad explicandos Syderum,  
Planetarumque motus ab Astronomis sunt inven-  
ta. Famosiora sunt Ptolomaicum , Copernicanum,  
et Tychonicum.

III. Nos nihil ereptum volumus Astronomis,  
idcirco singulorum examen illis relinquimus. Ni-  
hilo tamen minus illorum discrimen assignabimus,  
atque subiectorum phoenomenorum rationem iux-  
ta praefata Systemata placide persequemur.

IV. Sydera fixa , et Planetae singuli motu  
diurno circa tellurem certa quadam periodo,

ac

ac tempore moventur.

V. Sydera fixa lento quodam motu in Orientem deferri, vetetes observarunt.

VI. Praeter motum tardissimum, quo stellae fixae de Occasu in ortum aguntur, motum alium in ipsis syderibus observarunt plurimi, quo veluti libratione quadam, modo ad Orientem, modo ad Occidentem, aliquando ad Austrum, nonnunquam ad Boream accedunt, qui motus librationis, seu trepidationis appellatur.

VII. Singulis Planetis proprius motus inesse debet, ut ex Occidente in Orientem diversa periodo, et inaequali tempore ferantur.

VIII. Planetae, dum suam periodum peragunt, magnitudinem variare videntur, ut idem Planeta aliquando maior, aliquando minor, aliquando telluri proximior, aliquando remotior appareat.

IX. Idem Planeta, excepto Sole, dum proprio motu ab Occasu in ortum excurrit, aliquando velocior excurrere, aliquando quiescere, et aliquando in Occasum regredi videtur, atque emensum Zodiaci spatium quasi remetiri.

X. Retrogressiones longè frequentiores sunt in Jovē, quam in Marte, in Saturno, quam in Iove: quemadmodum Planetae, quō remotiores sunt

46

sunt à tellure, eō minores arcus retrogradi incurrere dicuntur.

XI Inter unius retrogradationis medium, et medium alterius in Marte mediat tempus duorum annorum, ac dierum 49., in Jove intervenit annus unus, dies 33., in Saturno denique annus unus, ac 13. dies intercedunt.

XII. Dum Planetae superiores retrogradi sunt, Soli oppositi à tellure conspicuntur; cum vero directi fuerint, ipsi coniuncti videntur.

XIII. Omnes Planetae dum retrogradi sunt, maiores, et velociores apparent; minores, ceterum tardiores, dum directi.

XIV. Luna in plenilunio, et novilunio maior, et celerior appetet; minor, et tardior in quadraturis.

XV. Sol, etsi numquam stationarius, directus, aut retrogradus sit, non aequali temporis spatio Zodiaci signa percurrit; sed plus in Borealis signis, quam in australibus moratur: ideo ab AEquinoctio Verno ad Autumnale plures dies, quam ab Autumnali ad Vernali numerantur, atque Sol ipse maior, proximiorque nobis Hymene, quam AEstate videtur.

XVI. Sydus Veneris constanter motum Solis consequi-

sequitur ; ita ut ab illo nunquam plus recedat,  
quam gradibus 48. quamvis illum aliquando  
sequi , aliquando praetere videatur.

XVII. Maxima quoque Mercurii distantia à  
Sole est graduum 28. , qui in sidereo Coelo  
numerantur.

XVIII. Ab una maxima digressione Veneris à  
Sole ad aliam decem et novem menses ; sicuti  
ab una ad aliam Mercurii digressionem sex  
intercurrunt.

XIX. Coelestia corpora etsi nobilissima sint , *Coeli*  
non ideo animata censeri debent. *natura,*  
*et affec-*  
*tiones.*

XX. Inter corpora coelestia primus sese offert  
Sol , quem ignae esse substantiae communis est  
nunc temporis ac firma inter melioris notae Phi-  
losophos sententia , in quam vehementer pro-  
pendimus. *Sol.*

XXI. Apparent nonnunquam in corpore solari  
fuligines quaedam , seu maculae subnigrae , qui-  
bus infuscatur.

XXII. Hae maculae aliud esse non possunt,  
nisi nubes , fuligines atrae , flamarumque vortices ,  
qui ex Sole , uti ex accensa fornace erumpunt.

XXIII. Patitur Sol suas defctiones , seu ut  
vulgo dici solet , Eclipses , quarum causam , tem-  
pus ,

pus, leges dabitur ex Astronomis.

XXIV. Lunae corpus etsi globosae figurae sit, *Luna*, non est tamen prorsus superficie levigatae, sed dentatae, multisque anfractibus intercissae.

XXV. Telescopio detecta adeo grandescit, distinctaque conspicitur, ut liceat in vastissimo corpore integras regiones distinguere, atque insigniores saltem eius partes exactè observare.

XXVI. Unde eo impudentiae ventum est, ut iam silvae, montes, rupes, campi, lacus, flumina, maria, urbes, animalia, et arbores in Luna conspicisci dicantur. Apud fabulas aniles, et absurdas hariolationes.

XXVII. Duo macularum genera in lunari globo manifestè discernuntur; grandiores aliae, eaeque perennes: aliae minutiores, et temporaneae. De his, ac de illis, sicut de Eclipsi, incremento, et decremento multa in confictione afferemus.

XXVIII. Saturnus omnium Planetarū hactenus cognitorum altissimus, annulo quodam ambitur; qui iuxta diversam inclinationem, qua à nobis conspicitur, modo tantisper explicatus, modo explicatior, quandoquidem cum magna appareat explicatione.

XXIX. Post Saturnum sequitur Jupiter, illus- *Jupiter*. tre sydus, atque longè amplioris, clariorisque for-

formae , quam sit fixarum etiam primae clasis; praecipue vero , cum in oppositione Solis existens praeclarissimè splendet inter omnia sydera.

XXX. Circa Saturnum , non secus ac circa Iovem stellulae quaedam deprehensa sunt , quas Satellitum etiam nomine insignierunt Astronomi , de quarum motu nonnulla dicemus.

XXXI. Pulcherrimum Veneris Sydus , adeo magnum aliquando conspicitur , ut multi non raro aut cometam , aut novam stellam putarint ; dum Solem praevenit , *Phosphorus* , *Lucifer* , *Aurorifer* appellatur : dum verò ipsum proximè sequitur , *Hesper* , *Vesper* , vel *Vesperugo* dicitur.

XXXII. Ope Telescopii deprehenderunt Astronomi , hanc stellam habere easdem prope phases cum Luna , conspicique nunc corniculatam , nunc falcatam , nunc bisectam , nunc extuberantem , nunc pene orbicularem , nunc plenam ; nempe prout variè ad Solem sita , variè quoque ab eo collistratur.

XXXIII. Quamvis de stellarum fixarum natura ob immensam illarum distantiam iudicium ferrere vix liceat ; certum tamen haberi debet , eas esse totidem veluti Soles , qui proprio lumine fulgent. *Stellae-*  
*rum*  
*lux, et*  
*influ-*  
*xus.*

XXXIV. Planetae verò omnes lucem illam , qua

G ocu-

óculos nostros percellunt, mutuantur à Sole.

XXXV. Lumen illud, quod in parte Lunae Soli aduersa in primo eius incremento, et decremento ultimo conspicitur, ortum dicit à Solis lumine à terra in Lunam repercuesso.

XXXVI. Corpora celestia validissimè agunt in haec inferiora: immo istorum multoperè activitas pender ab illorum influxu, qui voluntates hominum directè mutare nequit.

XXXVII. Tota mobilium coelorum machina constituit globum, seu sphaeram, quae à Mathematicis definitur; *Corpus solidum una superficie contentum, cuius lineae omnes à centro ad circumferentiam ductae sunt aequales.*

XXXVIII. In illa coelesti sphaera quaedam puncta, lineae, et circuli designantur, quibus explicitur viae motuum coelestium.

XXXIX. Notantur ergo duo Poli, seu Cardines, *Arcticus* alius, alius *Antarcticus*, et linea ducta ab uno ad alium, quae *Axis Mundi* vocatur. Circa hos Cardines, supra hunc Axem perficitur motus diurnus.

XL. Designantur praeterea decem circuli, nimirum *AEquator*, *Zodiacus*, *Meridianus*, *Colurus Solstitiorum*, *Colurus AEquinoctiorum*, *Horizon*,

rizon, *Tropicus Cancri*, *Tropicus Capricorni*, *Circulus Arcticus*, et *Circulus Antarcticus*. De his omnes, atque de circulis terrestribus haud brevem instituemus sermonem.

## STOICHILOGIA.

I. **H**ec elementarem Mundum complectitur. *Elementa*  
Elementa enim sunt corpora simplicia, ex quibus *ta.*  
mixta primum constituuntur, et in quae reso-  
luta ultimò abeunt.

II. Quatuor communiter assignantur, Ignis, Aer,  
Aqua, et Terra: limpida non sunt, cum unum  
alteri permisceatur, ac tenuissimae plurium par-  
ticulae in singulis fortasse reperiantur.

III. Elementorum formas in mixtis perfectis pror-  
sus incolumes manere negamus constanter; tamet-  
si plurimas elementorum particulas in mixtorum  
potis, ceu in vasis hospitari, habeamus per-  
spectum.

VI. Circa Ignis naturam habetur, non sola *Ignis,*  
structura, et motu partium coalescere, sed sub-  
stantiam esse homogeneam, calore, siccitate,  
fluiditate, aliisque qualitatibus praedictam.

V. In aliquibus mixtis vivacior est, turbulen-

G 2 tus,

5<sup>2</sup>

tus, ac vorax; in aliis quietior, et quasi somnolentus. Eius generatio variis modis contingit in certamine exponendis.

VI. Latet igitur in terrae visceribus, ubi sulphure, nitro, bitumine depascitur; hinc montes ignimovi, vulgo *Vulcani*, qui sunt veluti subterraneorum incendiorum camini.

VII. Aer est corpus illud fluidum, pellucidum, *Aer.* elasticum, globo terraquo circunfusum, in quo vivimus, et movemur. Eius genius est, ut facile comprimi, et dilatari possit.

VIII. Universa illius molles in tres regiones divisata est, infimam scilicet, medium, et supremam.

IX. Qui apud nos est, admodum impurus existit; aqueis, et terrenis halitibus magna ex parte immixtus.

X. Eo igitur toto clauditur Atmosphaera, sic dicta, quia est permixta variis particulis heterogeneis ab aeris natura diversis.

XI. Altitudo Atmospherae non una est semper, nam maior in aestate, quam in hyeme est, superior quoque sub Zona torrida, eoque minor quo ad Polos plus accedit.

XII. Aqua corpus est frigidum, humidum, fluidum, et grave. Quamquam limpidissima apparet,

reat , quae nostris inservit usibus , aliis est elementis commixta.

XIII. Eam Deus in unum locum congregavit , et appellavit Mare , quod licet unum sit , ex variis littoribus , quae abluit , varia nomina sortitur.

XIV. Maris salsedo ex salis particulis in illius alveo repositis ortum dicit ; sicut amarulentia salsedini permixta ex bitumine , et sulphure sali admixtis provenit.

XV. Aqua maris per occultos terrae meatus defluens , potest in copiosissimos fontes erumpere , ex quibus ingentia flumina procreantur , nec disitebor tamen , pluviales aquas , nivesque fessutas posse esse plurimum fontium , fluminumque originem.

XVI. Terra est corpus frigidum , siccum , densum , et grave , superficiem habens scabram , montibus exasperatam , quorum originem orbis inundatione antiquiorem existimamus . *Terra.*

XVII. Illius figura licet non mathematicè , sensibiliter tamen , et physicè rotunda est.

XVIII. Insignes subinde patitur mutationes ex frequenti terremotuum impetu , quo fit , ut modo tremat , modo concutiatur , modo ingentibus hiat-

hiatibus integras urbes , maximosque montes deglutiat.

XIX. Efficitur terremotus ab exhalatione intra terrae cavernas inclusa , quae dum rarefit , hinc inde agitatur , ac vim facit , ut exitum sibi aperiat.

XX. Tres terremotus species observantur ; tremor , pulsus , et inclinatio ; ut aperte indicat Propheta Regius Psalm. 17. his verbis : *Commota est , et contremuit terra : fundamenta montium commota sunt , et conturbata sunt.*

## M E T E O R O L O G I A .

I. **M**eteororum dicuntur mixta illa imperfecta , *Meteora* quae in sublimi aere efformantur. Ex terra , et <sup>ra.</sup> aqua , calore , tum interno terrae , tum externo Solis , halitus quidam elevantur , qui sunt propria meteororum materia.

II. Ea inter primum sese offert Cometa , de *Cometa* cuius situ , et natura acriis inter Philosophos exarsit controversia.

III. Persuasum fuit Aristoteli , Cometas omnes corpora esse infra Lunam de novo genita. Recentiorum plerisque placuit cunctos inter sy- dera

dera collocare.

IV. Nos vero duplex Cometarum genus distinguimus: alii sunt infralunares, qui ortum ducunt ex terrestribus exhalationibus, in suprema aeris regione collectis, et inflammatis.

V. Alii vero coelestes; corpora nempe perennia longè supra Lunam possita, quae nobis nunc propiora conspicua fiunt, nunc remotiora nimia distantia oculis subducuntur. Neque idcirco inficiabimur, efformari quandoque posse Cometam ex Planetarum exhalationibus.

VI. Meteora ignea sunt, Tonitrus, Fulgur, *Fulmen,*  
*Fulmen*, *Stellae cadentes*, *transcurrentes*. Cet. *fulgur,*  
*et toni-*

VII. Horum omnium una est materia, nempe *trus*.  
exhalatio calida nitro, ac sulphure foeta.

VIII. Haec inflamata materia rarescens, ac latè serpens, aerem commovet, mugitumque illum edit, quem tonitrum vocamus.

IX. Fulgoris, Fulminis, et Tonitri genesis occasione data sat copiosè à nobis illustrabitur.

X. Caprae saltantes, Dracones volantes, Faces ardentes, Lanceae, Columnae, Castor, et Pollux, seu Ignis Sancti Telmi cet. sunt tenuis, viscosus, et sulfureus halitus in altum elevatus, ibique ab una in aliam extremitarem accensus:

de

de his omnibus ut dicamus, libeat percontari.

XI. Praecipua meteora aerea sunt venti, qui *Venti*. nihil aliud sunt, quam aer agitatus; cum autem hic variis, et ferè infinitis directionibus moveri valeat, totidem venti valent exoriri.

XII. Aerem plures causae agitare possunt; exhalatio nempe à terra erumpens, descensus pluviae, nivium delapsus, et Solis calor.

XIII. Ventorum divisio desumitur, unde spirant. Antiquiores duodecim tantum ventos statuerunt. Neoterici exactius ad duos, et triginta numerant. De his, sicuti de turbinibus ventosis, itemque de Meteoris aqueis, Nube scilicet, Pluvia, Grandine, Nive, Rore, Pruina, Glacie nonnulla in palaestra dicemus rogati.

XIV. Inter meteora lucida visui nostro pulchrior est *Iris*, quae formatur ex radiorum Solis in rorida nube refractione, et reflexione.

XV. Ipsius colorum varietas repeti debet ex maiori, vel minori angulo, quem radii solares in nubem incidentes, indeque reflexi efformant.

XVI. Iridi adiungimus Parhelia, Voraginem, Virgas, Coronam, &c. quae uberrimam in pugna nobis dicendi copiam suppeditabunt.

PSY-

## PSYCHOLOGIA.

I. **F**ons unde corporum vita fluit, anima *Animas* vocatur; haec propriè sonat primarium vitae principium, ac radicem operationum vitalium.

II. Missis circa illius naturam Antiquorum deliriis, avitam retinemus animae partitionem in vegetantem, sentientem, et ratiocinantem.

III. In uno vivente non sunt tot animae, quot sunt in eo genera vitae, sed una tantum repetitur, par omnibus vitae functionibus obeundis.

IV. Vegetante anima donantur plantae, cuius *Plantæ* ope nutriuntur, adolescent, ac sibi similia *pro rum anima* creant.

V. Unde turpisssimè erravere Anaxagoras, et Manichaei, quorum illum sensitivam in plantis animam, hos vero rationalem etiam traditur confinxisse.

VI. Nosse plantarum genera, proprietates, Cet. sibi iure suo vendicant Botanici. Id unum nos compertum habemus, plantas omnes non ex putri materia oriri, sed ex semine specifico.

VII. De facultatibus animae vegetantis dabis mus selectiora.

VIII. Nullum animal ex putrescente materia n.

H scitur:

scitur; sed omnia ex specifico semine seu ovulo generantur.

IX. Sentientem animam aptè vocant Peripatetici substantiam dimidiatam, suapte natura corpoream, cognitionis, et appetitionis capacem.

X. Hac pollent Bruta; non enim existimanda sunt ut merae, stupidaeque machinae, inertibetudine torpescentes.

XI. Suis facultatibus, seu externis sensibus do-  
natur anima: quinque numerantur, Visus, Au-  
ditus, Odoratus, Gustus, et Tactus, quorum  
anatomē, seu partes, quibus eorum organa ins-  
tructa sunt, describemus in certamine.

XII. Visus nobilissimus animae sensus oculo *Visus*,  
veluti organo continetur.

XIII. Eius figura sphaerica est, at anteriori parte tantisper extuberans. Constat quinque mem-  
branis, tribus humoribus, duobus nervis, ac variis musculis.

XIV. Oculo sic disposito peragitur visio, cu-  
iis sedem tunicam reticularem dicimus, in qua obiecta corpora elegantissimè depinguntur.

XV. Geminatum non apparet obiectum gemino simul oculo inspectum, etsi duplex illius imago in organo depingatur.

Ad-

XVI. Admonet loci opportunitas, ut sequentia phoenomena appingamus, de quorum causis audies nos in concione disserentes. I. Radii lucidi foramen in cameram ingressi, imaginem pingunt lucidiorem, quod camerae latera fuerint nigriora. II. Cum obiecta sunt remotiora, complanatur ab animali oculus; cum fuerint propiora, producitur. III. Myopes remotiora nequeunt cernere: contra vero Praesbitae proximiora. IV. Cum versamur inter obiecta admodum splendida, coarctamus pupillae foramen: cum è contrario inter obscuriora, dilatamus. V. Navigantibus navis videtur stare, cetera visuntur moveri.

XVII. Medium visus est corpus perspicuum, ut aer, aqua, vitrum, quae liberum radiis luminis aditum praebent.

XVIII. Ipsa doctrinae affinitas exigere videtur, *Lux*, ut lucis naturam expendamus. Philosophi noviores arbitrantur, eam positam esse in tenuissima quadam substantia corporea, quae celerrimè agitata, corpora illustret, aerem penetret, oculum subeat, nerveasque fibrillas percellens, sensum quemdam in illis imprimat.

XIX. Peripatetici vero existimant esse qualitatem lucido corpori inherentem.

XX. Utraque opinio gravissimis difficultatibus premitur. Nos in secundam sententiam non nihil propendimus, donec nobis maius lumen affulgeat.

XXI. Color est lux opacitate adumbrata: unde *Color*. illum dicimus affectionem sensibilem ex varia corporeae superficie aptitudine, pororum situ, luminis affluxu coalescentem.

## *ETHICA.*

I. Nobilissima haec Philosophiae pars circa *Dotes, scopus, et praestantia Ethicae.* notitiam morum tota occupatur, hominique regulas praebet, quibus motus suos regat, ut bene, feliciterque vivat.

II. Hinc merito ab antiquis fuit appellata *Georgica*, id est, *Agricultura animi*, quod ut agerum cultura illos ex se aut steriles, aut infelictum dumtaxat plantarum feraces, exercendo, curando, artificiosèque tractando, non ornatores modo efficit, sed utilium, suaviumque frumentum multiplici proventu felices: sic Ethica humanaum animum sine cultu rudem, agrestem, squalidum, brutescentem, horrentemque vitiis, non modo praeceptis suis informando, politorem, mitiorem, ornatioremque efficit, sed etiam vir-

virtutum , quibus nihil in humanis exoptabilius, formosiusque existit , uberrimo fructu cumulatum.

III. Verè ipsa scientia est omnino practica , et à Prudentia reapse distincta.

IV. Affectus hominis rationis judicio tractabiles , et ad bonum , aut malum flexibiles sunt ei propria materia : forma vero , moralitas , seu directio , cuius affectus sunt capaces.

V. Aliquis totius vitae humanae finis ultimus *Finis* statuendus est , in quem hominum operationes , *ultimus* , ceu in scopum dirigantur.

VI. Eius nomine illum significamus , quem propter se cupimus , reliqua omnia propter ipsum.

VII. Omnes homines in finem ultimum naturae impetu tendunt , sed ad illum diversa via nituntur pervenire.

VIII. Mali sibi pro fine ultimo praestituunt bonum proprium taxatum secundum effraenis , depravataeque passionibus voluntatis libitum , proindeque in his rebus quaerunt , in quibus minimè reperitur.

IX. Boni vero summum bonum juxta rectae rationis regulas sibi determinant , ibique , ubi reperi potest , quaerunt.

X. In quo potissimum sita esset haec summa *Felicitas*  
feli-

felicitas , sedulo inquisivere antiqui Philosophi, obiecti-  
quorum singulas commemorare opiniones , per- <sup>va.</sup>  
quam molestum est , perquam iniucundum ; piae-  
cipuas tantum , et quae tenaciores habuerint pa-  
tronos , rejicimus .

XI. Errarunt profectò Aristippus , et Cyrenaï-  
ci , qui corporeas voluptates putabant summam  
hominis felicitatem .

XII. Errarunt pariter qui divitiarum , honorum ,  
aut dominandi desiderio flagrantes , in iis ho-  
minis beatitatem sitam arbitrati sunt .

XIII. His adjungendi sunt quotquot gloriae , aut  
famae cupiditate illecti , earum gratia cuncta  
gerebant .

XIV. Stoici altius sentientes , beatitudinem in  
virtute collocarunt ; ast haec opinio media cum  
fine imperite confundit .

XV. Reliquum est , ut altius surrigentes cogi-  
tationem , plenam hominis felicitatem statuamus  
in illo sublimi , pleno , redundanteque bono , in  
quo tamquam in fonte bona creata continentur;  
nempe in Deo , O. M. , qui solus vastissimum ,  
et penè infinitum hominis appetitum explere potest .

XVI. Beatitudo perfecta , numerisque omnibus  
absoluta , etiam naturalis , nonnisi post separa-  
tio-

tionem spiritus à carne potest obtinēri.

XVII. Quadam tenus in hac vita felices esse possumus futurae illius felicitatis praelibatione, ita ut nemo rationis compos, nullaque vitae conditio sit, cui non suppetant media vitae praesentis feliciter transigendae. Unde in culpa hominis est, si veris animi miseriis torqueatur.

XVIII. Verūm et haec inchoata felicitas posita non est in aliqua re creata, sed in solo Deo, quatenus homo illi adhaeret ut auctori naturae, ac fonti bonorum, quantum sinit mortalitatis conditio.

XIX. Beatitudo formalis est summi boni conse- *Beati-*  
quutio, seu possessio. *tudo*

XX. Eam in actionibus mentis, et voluntatis consistere, incunctanter negamus, quippe quae unica continetur operatione, quo in munere pri-  
mas obtinet intellectus. *forma-*  
*lis.*

XXI. His circa finem praejectis, dicendum de Notio  
gressibus, quibus ad illum pergit intellectualis voluntarii, eius-  
natura: sunt hi voluntatis actus, exacti ad ratio-  
nis amussim. *que hos-*  
*tes.*

XXII. Scholasticorum tritam voluntarii notio-  
nem retinemus, nimirum, quod provenit ab in-  
traneo principio cum cognitione finis.

Unde

XXIII. Unde involuntarium erit, quod aut vi,  
aut ignorantia conficitur.

XXIV. Violentia penitus voluntarium perimit,  
si tamen sufficiens est, compellens, absoluta.

XXV. Ignorantia quoque, quam antecedentem  
dicunt, voluntario adfert exitium.

XXVI. Metus, si gravis ille sit, cadensque in  
constantem virum, minuit quidem voluntarium,  
non tamen tollit omnino, hinc actio quaecum-  
que metu facta voluntaria potius dici debet, quam  
involuntaria.

XXVII. Concupiscentia non tollit, sed potius  
facit voluntarium, libertatem quantumvis minue-  
re, ac non semel perimere videatur.

XXVIII. Voluntatis actum aliud esse elicatum, *Volunta-*  
*imperatum aliud*, in ore fertur Philosophorum. *tis actus.*

XXIX. Heic vocamus actuum seriem in tres cho-  
ros distributam, quibus homo sciens, prudens-  
que, non passionibus, et imaginatione abruptus,  
moralis actus exequitur oeconomiam.

XXX. Agmen dicit simplex apprehensio boni,  
quae una cum simplici eius volitione, judicio, et  
intentione versantur circa operis finem.

XXXI. Sequitur consultatio, consensus, judi-  
cium discretivum, et electio media exclusio-  
ni

ni parantia.

XXXII. Manus demum operi admovetur **imperio**, usu agente, et paciente, quibus jucunda in bono quies respondet, quae dicitur fruitio. In his omnibus infibulandis, explanandisque orationis filum latissimè ducemus.

XXXIII. Impetus illi animi nostri, qui ex appetitu *Affectiones* sensitivo pullulant, passionum nomine designantur. *næs*

XXXIV. Ut passionis idea, vis, aut natura dignoscatur, hanc quae caeteris longe praestat, definitionem ex Sancto Damasceno affert noster Aquinas: *Motus appetitivæ virtutis sensibilis ex imaginatione boni, vel mali cum transmutatione corporeæ.*

XXXV. Passiones non sunt **intrinsecus**, aut natura sua vitiosae, sed indifferentes adeo, atque flexibles sunt, ut si ad honestum finem dirigantur, puriorique rationis lumine temperentur, utiles, ac honestae fiant; sin vero ab instituto fine deflectant, vel honestatis limites excedant, vitiosae, et malae censeri debeant.

XXXVI. Passio rationem praeveniens trahensque post se voluntatem, bonitatem minuit, non quae voluntatem subsequitur, vigorem operi inspirans, ardoremque.

XXXVII. Solemne est Scholasticis , appetitum partiri in concupiscibilem , et irascibilem , quorum ille bonum nudè respiciat , alter difficultatibus circumseptum.

XXXVIII. Primus alit amorem , odium , desiderium , fugam , gaudium , dolorem ; secundus spem , desperationem , audaciam , timorem , et iram.

XXXIX. Amor est firma , robustaque complacentia appetibilis , seu boni. Complectitur amor dilectionem , caritatem , benevolentiam , et concupiscentiam.

XL. Bonitas ipsa est praecipua amoris causa , imò aliarum radix , et origo.

XLI. Similitudo etiam amorem producit , sive amicitiae , sive concupiscentiae.

XLII. Effectus amoris pene innumeri : sex praecipuos recenset Divus Thomas , unionem scilicet , adhaesionem , ecstasim , zelum , laesionem amantis , et universalem influxum in omnia , quae peragit amans : his adduntur liquefactio , fruitio , languor , et fervor ; de quibus , si rogamus .

XLIII. Nascitur ex amore odium , ab ipso educatur , foveatur : contraria amori illius natura , causae , effectus.

Desi-

XLIV. Desiderium, et fuga sunt veluti quae- *Deside-*  
dam animae pennae, quibus et ad bonum ab- *rium.*  
sens fertur, et malum quamlongissimè potest,  
devitat, et fugit.

XLV, Desiderio quidem in bonum absens ten-  
dimus, ipsiusque possessionem prosequimur. Me-  
dium est inter amorem, et gaudium.

XVI. In naturale, et non naturale partitur:  
illud oritur ex indigentia naturae, idcirco faci-  
le expleri potest: istud nascitur ex appetentis ju-  
dicio, quapropter nullo bono plene satiatur.

XLVII. Effectus desiderii sunt unio, ecstasis,  
taedium, et importunitas; item suspiria, quae  
sunt retenti spiritus quasi eructationes, ac de-  
mum conatus ille, quo in res prohibitas prorumpit.

XLVIII. Vires saepe ex difficultate, ac dilatio-  
ne acquirit; saepe ex nimia rei facilitate emoritur.

XLIX. Fuga est motus, quo malum absens fu- *Fuga.*  
gimus, et vitare conamur.

L. Delectatio, et tristitia, sunt aliarum pas- *Delec-*  
tionum termini, quemadmodum amor, et odi- *tatio.*  
um principia.

LI. Delectatio, quae est jucunda appetitus in  
bono quies, variis nominibus expremi solet: dici-  
tur gaudium, laetitia, exultatio, jucunditas,

voluptas , hilaritas , Cet. Quae quidem nomina ex Angelico Praeceptore libenter exponemus.

LII. Delectationum quaedam sunt spirituales, quae mente , ac voluntate percipiuntur ; quaedam vero sensibles , quae apprehenduntur sensibus.

LIII. Primae sunt perfectiores , puriores , maiores , ceterae autem vehementiores.

LIV. Delectationis causae sunt operatio non molestia , alteratio , spes futuri boni , memoria praeteriti , immo nonnunquam praeterita mala , lacrymae , luctus , dolor , similitudo , beneficentia , ira etiamque veritatis , ac Philosophiae admiratio , Cet. de his , atque eius effectibus percontare , si lubet.

LV. Tristitia infertur á contrariis eorum , quae inter causas delectationis recensuimus ; estque animi aegritudo ex apprehensione mali praesentis. Eius effectus sunt angustiare , constringere , et agravare animum.

LVI. Tristitia si moderata sit , et secundum Deum , salutem , sin minus mortem operatur. Huic proinde nonnulla parantur remedia. Sed de his fusius in Palaestra.

LVII. Passiones partis irascibilis versantur circa bonum , et malum , habita ratione ardui , et difficultis ; proindeque sunt veluti quidam animi cona-

conatus , quibus et ad bonum se erigit , et contra malum insurgit.

LVIII. Prima venit spes , passio nimirum , qua *Spes*. appetitus tendit in bonum futurum , arduum , adeptu tamen possibile.

LIX. Causae eius sunt experientia , vires , calor cordis , et inconsideratio ; has omnes , ut et illius effectus secundum Angelici Praeceptoris mentem explicabo.

LX. Desperatio est recessus à bono arduo adep- *Despe-* tu impossibili , quatenus bonum desideratum tot *ratio*. difficultatibus contingit circumvallari , ut illis obrutus animus succumbat , et ab eius prosecutione recedat.

LXI. Audacia passio est , qua appetitus insur- *Auda-* git in malum terribile , ad ipsum fugandum , su- *cia*. perandumque. Spes , et quaecumque ipsam fovent , et augent , audaciam quoque generant.

LXII. Audaciae opponitur timor ; estque passio , *Timor*. qua periculi gravitate victi ingruenti malo terribili succubimus. Eius causas dabimus interrogati.

LXIII. Effectus timoris sunt contractio , et metaphorica , et corporalis , tremor , pallor crepitus , interclusio vocis , erectio capillorum , subita aliquando canities , deliquium , stupor , sitis , et *ari-*

ariditas faucium , solutio alvi , turbatio mentis,  
insensibilitas quaedam, et sollicitudo evadendi mali.

LXIV. Ira , quam Gregorius Nissenus eleganter vocat , *armigeram concupiscentiae* , varie definitur ; sed enucleatus eam dixit Aristoteles : *Appetitus ultionis apertae , cum fervore sanguinis circa cor.*

LXV. Inter causas irae primatem locum tenet parvipensio , cuius tres species enumerat Aristoteles , scilicet , despectum , incommodationem , et contumeliam.

LXVI. Eius varii sunt effectus , scilicet delectatio orta ex spe vindictae , fervor quidam , isque non dulcis , sed amarulentus : turbatio rationis , et corporis , maxime illorum membrorum , in quibus cordis vestigia reluent.

LXVII. Fertur voluntas in bonum regulis moralium subiectum , à quo tota moralitas actuum dependet , quae licet libertatem necessarió supponat , ipsà tamen haud quaquam constituitur.

LXVIII. Placuit nonnullis moralitatem appellare enticulum rationis ; aliis externam denominationem . Melius illam appellat Divus Thomas : *ordinem , quem ratio facit in actibus liberis.*

LXIX. Actus , qui tendit in objectum regulis

His moralitatis consonum, bonum est; qui vero objectum respicit legi, ac rationi dissonum, malus appellatur.

LXX. Hinc nulla dari potest actio in individuo indifferens, sed necessario bonitatis, seu pravitatis characteribus insignita.

LXXI. Immediata moralitatis regula est conscientia voluntati dictans, quid bonum, quidve malum sit, primatum nihilominus tenet lex aeterna. *Humanarum actionum regulae.*

LXXII. Conscientiae varia attribuuntur munera, scilicet, testificari, ligare, instigare, excusare, et remordere. Conscientiae, et legis divisiones in certamine prodemus.

LXXIII. Id obiter annotamus, legem naturalem adeo immutabilem esse, ut nec summus ipse legum lator Deus in ea propriè possit dispensare.

LXXIV. Cum celebre pulcherrimumque virtutis nomen variis plerumque rebus explicandis adhiberi consueverit, sumitur hic à nobis pro perfectione quadam animi, quae bonis, perfectisque actibus acquiritur, animumque ad actus illos iterum exercendos inclinat. *Notio. virtutis.*

LXXV. Eius naturam accurate expressit Divus Au-

72  
Augustinus, dicens, eam esse bonam qualitatem  
mentis, qua recte vivitur, et nemo male utitur.

LXXVI. Hinc sponte profluit virtutem mora-  
lem in medio positam esse, eaque neminem pro-  
priè, ac per se abuti posse.

LXXVII. Cum virtus omnis morum rectrix ha-  
beatur, expultrixque vitiorum, ibi, unde erat  
dicanda, evellendaque vitia sunt, locanda est,  
atque figenda. Triplex igitur virtuti sedes, intel- Subiec  
lectus, ut aiunt, practicus, appetitus rationalis, tum vir  
et sentiens. *tutis.*

LXXVIII. Sub virtute morali comprehenduntur *cardinales.*  
Prudentia, Justitia, Temperantia, et Fortitudo,  
quae cardinales appellantur eo quod ipsis veluti  
cardinibus omnis bona, honestaque vita vertatur.

LXXIX. Prudentia lux agendorum, ars rectè vi- *Pruden-*  
vendi, ceterarum virtutum dux, fons, caput, *tia.*  
norma, princeps definitur à Platone: *Scientia fe-*  
*licitatis effectrix:* ab Aristotele vero aptissime:  
*recta ratio agibilium.*

LXXX. Proprium Prudentiae est praecipere,  
seu imperare, et virtutibus reliquis medium  
praestituere.

LXXXI. Constat partibus quibusdam integran-  
tibus, quas octo putat S. Thomas, cuiusmodi  
sunt,

sunt, Ratio, Intellectus, Circunspectio, Providentia, Docilitas, Cautio, Memoria, Sollertia, Eustochia.

LXXXII. Prudentia alia Monastica, qua quis se ipsum regit; alia Gubernatrix, qua quis corpus politicum moderatur. Scinditur haec iterum in Oeconomiam, Politicam, et Militarem.

LXXXIII. Politica in Architectonicam, et Politicam simpliciter dictam: illa in Monarchicam, Aristocraticam, et Democraticam.

LXXXIV. Inserviunt praererea nonnullis Prudentiae actibus Eubulia, Synesis, Gnome, quarum leges, ac Prudentiae utilitatem paucis annis notabimus.

LXXXV. Justitia rerum publicarum custos, per *Justitias* petuumque humanae societatis vinculum, habitus est, secundum quem aliquis constanti, et perpetua voluntate jus suum unicuique tribuit.

LXXXVI. Duplex Justitiae pars, declinare a malo, et facere bonum.

LXXXVII. Species triplex: Commutativa, Distributiva, et Legalis.

LXXXVIII. Haec ulterius patet in Justitiam strictè sumptam, et Epiketiam, de queis pollicemur, rogatos sermonem habituros.

LXXXIX. Heic vero aggredimur nobilissimam contentionem. Judex secundum allegata, et probata tenetur judicare etiam contra propriam scientiam.

XC. Numerosus virtutum comitatus adiungitur Justitiae, scilicet Religio, Pietas, observantia, Veracitas, Gratitudo, Justitia vindicativa, Liberalitas, Amicitia: de quibus in certamine eloquemur.

XCI. Temperantia, honestatis, dignitatisque hominis supra pecudes vindex, scite appallatur *rantia*. à Cicerone. *Rationis in libidinem, atque alios non rectos impetus animi firma, et moderata dominatio.*

XCII. Verecundia, et Honestas illius veluti integrantes partes numerantur.

XCIII. Species autem quatuor habentur. Abstinentia, Sobrietas, Castitas, et Pudicitia. Adiunguntur ei continentia, Mansuetudo, Modestia, impetum affectuum nostrorum minus ex se vehementem coercentes, ac moderantes.

XCIV. Fortitudo Heroum propria dos, ac prae*Fortitudo* cipuum decus, oppressorum opitulatrix, publici boni munimentum, virtutum omnium armigera, definitur à Cicerone ex Chrysippo: *Constitutio*  
*sta-*

75

, stabilis iudicij in his rebus quae formidolosae vi-  
dentur, subeundis, et repellendis.

XCV. Duo huius virtutis actus assignantur, ag-  
gredi, et sustinere; primus admirabilior, splen-  
didior, honorabiliorque videtur; sed secundus  
ut difficilior, ita praestantior est.

XLVI. Fortitudini accedunt Magnanimitas,  
Magnificentia, Patientia, Perseverantia, quarum  
characteres, discrimina, atque cum aliis virtu-  
tibus concordiam assignabimus.

XCVII. Legi naturali repugnat occisio sui ip-  
sius; idcirco actus fortitudinis neutiquam esse  
potest, sed furoris, aut ignaviae.

Atque his explicitum est specimen nostrae in  
Philosophiam operae.

*Vt. Joseph Episcopus Orcl.*

*Vt. D. Josephus Emmanuel Balaguer,*

Cens. Regs.

*Vt. D. D. Salvator Puche.*

Stud. Regs. et Rector.







Carpets 79